

**Al lal lal deel hal pov-ail thaq nail ganl**



Mil nee uq nee hul meeq hul bhaq teevq gaq jaol lao thaq nail  
ngaol.



Aivq neq, yaq kav teevq gaq tsu-ai thaq nail ngaol.



Teevq-n aivq nail yaq kav al gaq bhai the dov movq lal bhiq  
thaq nail ngaol.



Al heel ngel-i mail aivq nail yaq kav bhai al lal lal dai khul nail  
phaq hal pov ail yaoq dai ge bhiq thaq nail ngaol.




Yaq kav al gaq khaq bhai hal pov khi ngaol-aoq, maq hal pov  
moel thaq nail ngel-i mail aq bhaol daoq thaoq bhai jaol deel  
thaq nail ngaol.




Aq u phao, aivq bhoiq keiv lavq mav teevq maol moel khi uvq  
baol bhaoq lao bhai nieivq bhoel thaq nail ngaol.




A bhai nee ngal-aq, aivq lavq khiq tsail tsail-ail al lal lal dai gul  
gul-ail kovq lai thaq nail ngaol.



Huq meeq hul bhao al gaq neq, aivq nail yaq kav maq kovq lal  
yaoq-aol dai noeq thaq nail ngaol.




Aq u phao, yaq kav al gaq kovq kev lal khi thoiq al lal lal dai  
ge khi bivq thaq nail ngaol.



Hul meeq hul bhaq al gaq bheq tsaoq-ai laivq khi al lal lal sil  
ga lee nial dai gul thaq nail ngaol.

**Maq heeq nia nail ngel-i mail ya suq-nq ail thaq nail ganl**



Mil nee uq nee aq bhu teevq bhu aivq nail il khaol bhai kheeq  
bhi lovq naol dai noeq dov lal bhiq thaq nail ngaol.



Aivq kheeq ul lai nail dai khi maiv moel aq nav oil khi saiq-nq  
gaiq jeeq khi lai thaq nail ngaol.



Aivq oil movq nail kheeq ul ya khi lavq khiq tsail dee dee nail  
lavq khoel nee kovq lee thaq nail ngaol.




Kheeq bhai neq, saiq-nq gaiq nail haoq naol phao phee thaiq  
khi nq tavq iq sanl bhaq laoq kheeq deel nial dai ge ge-ail kovq  
lee thaq nail ngaol.




Gail phail lail ma bhai kev lee thaq-al nee ngal-aq, maiv neev  
aq phil phil lal il dai ge khi maiv moel aq nav gov tsaoq thaq  
nail ngaol.



Nq kivq iq sanl kivq lee, maoq-aol iq sanl aol lee-aiq nial dai  
noeq khi saiq-nq gaiq laq tsail mail yevq kav khi kovq lee thaq  
nail ngaol.



Il khaol bhai kovq kev lee khi maiv moel gov cov u phao neq,  
aivq nail kheeq aq sil, nq tavq iq sanl bhaq laoq kheq dai jiav  
nail bhai ya moel thaq nail ngaol.



Aivq nee ma phail dee dee lal bhiq khi maq jiav nail nee maq  
tsil maq heeq kivq nail neq, haq lao thaq nial dai ge khi mai  
moel liv pav thaq nail ngaol.

Al lal lal deel hal pov-ail thaq nail ganl



Haoq gavq phal doiq nail aq mil : Al lal lal deel hal pov-ail  
thaq nail ganl

Gevq dov-a nail gaq : Noe ja

Jeq-e nail daoq : Gaol kheel

Maol khoel : Noe ja

Gevq dov-a nail aq yanq : January 2008

Nvq pov teevq pov lav sav phal-a nail : April 2015

Geeq laoq eeq daoq

Haoq gavq niil phul gevq dov kivq-a nail Miqyail nail  
geeq laoq bhai tsiq eeq dee dee naol. Haoq gavq niil phul neq,  
Gaolkheel nail haoq gavq ge jao jao nail juq nail haq bhoil  
ngaol.

Gaolkheel nail haoq gavq bhai gaiq-a khi ge movq nail nee  
ma aol all dai, noeq thuq-nq nail lavq khoel nee gevq dol-ai  
thaq nail ngaol.

Aol nail phaq

Aq mil

Haoq gavq maiv phaoq

Al lal lal deel hal pov-ail  
thaq nail ganl.....

Maq heeq nia nail ngel-i mail  
ya suq-nq ail thaq nail ganl.....